



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. XXXII. De Ordine Equitum S. Mauritij, & S. Lazari in Sabaudia.

urn:nbn:de:hbz:466:1-11249

sensu, non ad *Iacobi I.* cognomento *Fortunati*,
vt *Volaterranus*, *Bugianus*, & *Morigia* per
errorem fecere, sed ad *Iacobi II.* Aragonis
Regis tempora huius equestris militiae initia
referunt. Ex quibus patet & *Onuphrium*
Panuinum, in *Chronico suo Ecclesiastico*,
sta perperam anno Christi 1233. adscribere.

CAPV T XXXII.

De Ordine Equitum Sancti Mauriti
& *S. Lazari, in Sab-*
audia.

EQuites S. Lazari multa olim habuerunt
prædia apud *Sabaudos* & *Pedemontanos*.
Quæ omnia possident hodie Equites Ordinis
S. Mauriti & Sancti Lazari, concedente
Gregorio XIII. Papa; qui vtrumque ordi-
nem coniunxit anno 1572. & Ducem *Sabaudie*
perpetuum creauit Magistrum generalem.
Gestant Equites isti crucem viridem limbo
candido conclusam, in cuius medio altera
crux, videlicet S. Mauriti visitur.

1572. Fuit autem ordo S. Mauriti sub regula
Cisterciensi anno 1,72. xvi. Kalend Octo-
bris per Gregorium XIII. contra Hæ-
reticos institutus, seu renouatus: cum quo
idem Pontifex anno eodem, Idibus No-
uembris, vniuit & annexuit ordinem E-

qui-

quitum Hospitaliorum sancti Lazari Hierosolymitani, sub regula Sancti Augustini militantem: ut ex dicti ordinis virtusque vniū Priuilegijs Taurini editis certò didici.

CAPUT XXXIII.

*Ordo monachorum S. Basiliij, in Gracia,
Asia, alijsque Orientalis Ecclesie
prouincijs olim floren-
tissimus.*

Basilius nobilis Cappadox, Athenis vna cum Gregorio Nazianzeno, sibi amicissimo, sacerdotalibus litteris, deinde in monasterio sacris mirabiliter eruditus, eū breui cursum fecit ad omnem doctrinæ & morum excellentiam, ut inde Magni cognomen inuenierit. Is ad prædicandum Iesu Christi Euangelium in Pontum accersitus, eam prouinciam à Christianis institutis aberrantem ad viam salutis reuocauit: mox ab Eusebio Cesareæ Episcopo ad erudiendam eam ciuitatem adiutor adhibetur: in cuius locum postea succedit. Is filium Patri coniunctiæ esse in primis defendit, ac Valentem Imperatorem sibi iratum miraculis adeò flexit, ut incumbentem ad volun-

N 3 tatem